

مکملہ ادبی و سیاسی رسالہ

ادبی و سیاسی رسالہ اسبوعیہ در

۳۱ نجی سنہ

۲۵ ربیع الاول ۱۳۳۰

پنجشنبہ

جزو عدد : ۱۳۷

روسیه مسلمانلری

بکئیلرده روسیه حکومتی طرفندن ، خیوه و بخارا امیرلری ، قازاق طابورلری قوماندانلقلرینه تعیین اولندقلری گبی ، بوکرده چار ایکنجی نیکولا مذکور ایکی خانلغک ولی عهدلرینی روس اردوسنه قبول ایله توظیف ایتشدیر . بو ایکی مسلمان حکمداری ایله افراد عالهلرندن بعضیلرینک روس اردوسنه قبول وادخال ایدملری روسیه حکومتک تبعه مسلمسنی کندیسنه بند ایتک خصوصنه نه درجه لرده عطف اهمیت ایلدیکنه دلالت ایدر . روسلر بوگون اتحاد اسلامدن اندیشه ناک بولمقده درلر . فی الحقیقه یمنده کی ارباب قیامک احراز ایتدیکی موقعیات نسبییه رغماً ، خلیفه مسلمینی ، خرسقیان بر حکومت قارشى اولان محاربه سنده یزار و اشغال ایتمه مک مقصدیله مجادله دن صرف نظر ایلش اولملری و آفریقای وسطی ده کی اقوام اسلامیة نكده حکومت عثمانیه به عرض معاونت ایتش اولسی روسلرک پک جدی صورتده نظر دقت و اهمیتلرینی جلب ایلدی .

روسیه به مربوط بولنان [بخارا] امارتنده ، برخیلی زماندن بری روسیه علینده بعض تمایلات مشهود اولمقده در . روسلر بو حسیاتی فارق اولدقلری جهته روس تابعیتده کی اقوام اسلامیة نك مرجع روحانیسی حکمند اولان [اورده نبورغ] مفتیسی [سلطانوف] ، کچن سنه [سن - پترسبورغ] ده انشا ایدلش اولان جامعک رسم کشادینی اجرا ایتک اوزره بخارا امیری ایله برابر شهر مذکور کلدیکی وقت ، کندیسنه پک زیاده ابراز آثار حرمت و تعظیم ایلشلردی .

بوکرده سن - پترسبورغده روس مأمورلری ایچون اسلامیت حقنده رسمی بردرس کشاد ایدلشدیر . مأمورینه بوراده السنه اسلامییه ، دین اسلامه صرف و عادات مؤمنینه دائر تدریسانده بولنیله جقدر .
[قوره سیونداش دوریان]